



**Concello de Vigo**

**ACTA DA XUNTA DE GOBERNO LOCAL**  
**Sesión do 29 de xullo de 2019**

**ASISTENTES:**

**Membros :**

D. Abel Caballero Álvarez  
D. Francisco Javier Pardo Espiñeira  
D<sup>a</sup> Elena Espinosa Mangana  
D<sup>a</sup> M<sup>a</sup> José Caride Estévez  
D. Abel Losada Álvarez  
D. Jaime Aneiros Pereira  
D<sup>a</sup> Yolanda Aguiar Castro  
D<sup>a</sup> Patricia Rodríguez Calviño

**NON ASISTEN:**

D<sup>a</sup> M<sup>a</sup> Carmen Silva Rego  
D. Carlos López Font

Na Casa do Concello de Vigo, ás dez horas e corenta minutos do día vinte e nove de xullo de dous mil dezanove e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Aguiar Castro, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, e a interventora adxunta, Sra. Gómez Corbal.

A Xunta de Goberno Local adopta os seguintes acordos:

**1(692).- RATIFICACIÓN DA URXENCIA.**

A Xunta de Goberno local ratifica a urxencia da sesión.

**2(693).- EXPEDIENTE DE CONTRATACIÓN DA ACTUACIÓN ARTÍSTICA DOS GRUPOS MUSICAIS O FURIOUS MONKEY HOUSE, XOEL LÓPEZ E VESTUSTA MORLA PARA O PROGRAMA “VIGO EN FESTAS 2019” NO AUDITORIO DE CASTRELOS. EXPTE. 8038/335.**

Visto o informe xurídico de data 24/07/19, e o informe de fiscalización do 29/07/19, dáse conta do informe-proposta de data 24/07/19, asinado pola instrutora de expedientes (Resolución 1/07/19), a secretaria de Admón. Municipal, a concelleira delegada de Festas e Turismo e o concelleiro-delegado de Orzamentos e Facenda, que di o seguinte:

**Primeiro.- ANTECEDENTES**

1.- O Servizo de Festas do Concello de Vigo inclúe na súa programación anual, a organización do programa de “Vigo en Festas 2019”, que conleva a contratación de

actuacións artísticas nacionais e internacionais que teñen lugar no Auditorio ao aire libre de Castrelos nos meses de xullo e agosto. Por este motivo e como consecuencia das resolucións do decreto da concelleira delegada da Área de Festas e Turismo de data 15 de maio de 2019, relativo á composición dos espectáculos e actividades do programa “Vigo en Festas 2019” (expte. 7930/335), resolveuse a contratación dos grupos musicais” VETUSTA MORLA, XOEL LOPEZ E FURIUS MONEY HOUSE” ”, a celebrar no Auditorio ao aire libre de Castrelos o día 2 de agosto de 2019.

**2.-** Con data 20 de maio, D. Xoel López declara que Esmerarte Industrias Creativas S.L. ostenta en exclusiva la representación de antedito artista, polo que é a única sociedade lexitimada para subscribir contratos con terceiros para as actuacións, así mesmo, na mesma data, D. Gonzalo Maceira Hermida, en calidade de director do proxecto artístico e en representación de Furious Monkey House declara que Esmerarte Industrias Creativas S.L. ostenta en exclusiva la representación de antedito artista, polo que é a única sociedade lexitimada para subscribir contratos con terceiros para as actuacións

**3.-** Con data 3 de xullo, D. David García Garrote , en representación da sociedade “Pequeño Salto Mortal y Tal, S.L. sociedade que xestiona a actividade do grupo de música Vetusta Morla achega o documento onde Esmerarte Industrias Creativas S.L. afirma que ostenta os dereitos exclusivos de representación artística de “Vetusta Morla” por lo que dicha sociedade é a única lexitimada para subscribir contratos con terceiros para organizar na súa condición de promotor do concerto da citada artista no Auditorio ao aire libre de Castrelos na data xa citada

**4.-** En cumprimento do establecido no artigo 28 da Lei 9/2017, de 8 de novembro, de contratos do sector público, o instrutor do expediente, con data 2 de xullo de 2019, e coa conformidade da concelleira delegada de Festas e Turismo, emite informe da necesidade e idoneidade da contratación dos grupos musicais” VETUSTA MORLA, XOEL LOPEZ E FURIUS MONEY HOUSE” ”, a celebrar no Auditorio ao aire libre de Castrelos o día 2 de agosto de 2019, con motivo do Programa “Vigo en Festas 2019”.

**5.-** Con data 3 de xullo de 2019, a concelleira de Festas e Turismo resolve que se inicie o expediente necesario para a contratación dos grupos musicais” VETUSTA MORLA, XOEL LOPEZ E FURIUS MONEY HOUSE” ”, a celebrar no Auditorio ao aire libre de Castrelos o día 2 de agosto de 2019, con motivo do Programa “Vigo en Festas 2019”.

**6.-** Con data 9 de xullo de 2019, redactase a Memoria xustificativa que contén os elementos básicos do contrato, documento que é conformado pola concelleira delegada da Área de Festas e Turismo.

**7.-** Con data 10 de xullo de 2019, redáctase o Prego de prescricións técnicas particulares polo instrutor do expediente.

**8.-** Con data 24 de xullo de 2019, redactase o prego de prescricións administrativas particulares, asinado pola técnica de administración xeral do Servizo de Contratación.

**9.-** O orzamento base de licitación co IVE incluído ascende a 249.018,00euros, correspondendo 43.218,00 euros ao IVE, e podería imputarse á aplicación 3380.226.0906 (Festas de Vigo) do orzamento vixente e bolsa de vinculación. Enténdese que o prezo se



## Concello de Vigo

atopa dentro dos parámetros do mercado ao ser o importe establecido pola empresa que posúe o seus dereitos.

### **Segundo.- NORMATIVA DE APLICACIÓN**

Lei 9/2017, de 8 de novembro, de contratos do sector público (LCSP).

Real Decreto 817/2009, de 8 de maio, polo que se desenvolve parcialmente a LCSP.

Regulamento xeral da Lei de contratos das administracións públicas, aprobado mediante Real decreto 1098/2001, de 12 de outubro, en todo o que non se opoña a LCSP.

Lei 39/2015, de 1 de outubro, de procedemento administrativo común das administracións públicas.

Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro, de medidas para a modernización do goberno local e pola Lei 27/2013 de 27 de decembro, de racionalización e sostibilidade da administración local.

Real decreto legislativo 781/1986, de 18 de abril, polo que se aproba o texto refundido das disposicións legais vixentes en materia de réxime local.

Lei de Galicia 5/1997, de 22 de xullo, de administración local de Galicia.

Lei 25/2013, de 27 de decembro, de Impulso da factura electrónica e creación do rexistro contable de factura no sector público.

Lei 19/2013, de 9 de decembro, de transparencia, acceso á información e bo goberno.

### **Terceiro.- FUNDAMENTOS DE DEREITO**

**Primeiro:** De conformidade cos artigos 25.1. e 25.2.m da Lei 7/1985, de 2 de abril, reguladora das bases do réxime local, e cos artigos 80.1 e 80.2.n da Lei de Galicia 5/1997, de 22 de xullo, de administración local de Galicia, os municipios poderán promover e realizar actividades culturais.

**Segundo:** O expediente de contratación iniciarase polo órgano de contratación de acordo co disposto no artigo 116 da Lei 9/2017, de 8 de novembro, de contratos do sector público; no Concello de Vigo esta competencia atópase delegada nos concelleiros de área segundo o Decreto de delegación de competencias de Alcaldía do 18 e 26 de xuño de 2019 e acordo da Xunta de Goberno local de 20 de xuño de 2019. Consta ademais a memoria xustificativa asinada pola secretaria de administración municipal e pola concelleira delegada, o prego de prescricións técnicas particulares asinado polo instrutor do expediente e pola concelleira delegada, e o prego de prescricións administrativas particulares, asinado pola técnica de administración xeral do Servizo de Contratación.

**Terceiro:** En cumprimento do establecido no artigo 28 da Lei 9/2017, o instrutor do expediente, coa conformidade da concelleira delegada da Área de Festas e Turismo, asinou o informe da necesidade e idoneidade da contratación dos grupos musicais "VETUSTA MORLA, XOEL LOPEZ E FURIUS MONEY HOUSE", a celebrar no Auditorio ao aire libre de Castrelos o día 2 de agosto de 2019, con motivo do Programa "Vigo en Festas 2019".

**Cuarto:** A forma de tramitación do expediente será a ordinaria, conforme ó disposto no artigo 116 da Lei 9/2017. O contrato ten a consideración de contrato privado, de acordo ao disposto no artigo 25.1.a da devandita lei. O contrato adxudicarase conforme ao procedemento negociado sen publicidade, por canto, de acordo co artigo 168.a.2º da Lei 9/2017, por motivos relacionados coa protección de dereitos de exclusiva o contrato só pode encomendarse a un empresario determinado, que ostenta os dereitos de exclusiva da actuación do artista.

**Quinto:** Ao expediente se incorporará o informe favorable da Asesoría Xurídica e o certificado de existencia de crédito, documento que incorporará o servizo de Intervención Xeral, quen ademais fiscalizará previamente para a súa aprobación o expediente.

**Sexto:** A competencia para a aprobación do presente expediente correspóndelle á Xunta de Goberno Local, na súa calidade de órgano de contratación, ao amparo da Disposición adicional segunda da Lei 9/2017. Consonte ao estipulado no artigo 117 da citada lei, a resolución deberá ser motivada e aprobará o expediente de contratación e disporá a apertura do procedemento de adxudicación e implicará a aprobación do gasto.

A vista das anteriores circunstancias, e previos os informes da Asesoría Xurídica e da Intervención Xeral, proponse á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

#### **PROPOSTA:**

**“Primeiro.**- Aprobar o expediente de contratación dos grupos musicais” VETUSTA MORLA, XOEL LOPEZ E FURIUS MONEY HOUSE””, a celebrar no Auditorio ao aire libre de Castrelos o día 2 de agosto de 2019, as 20:00 horas, con motivo do Programa “Vigo en Festas 2019” (expediente 8038/335), que contén o prego de prescricións técnicas particulares de data 10 de xullo de 2019, asinado polo instructor do expediente, e o prego de prescricións administrativas particulares de data 24 de xullo de 2019, asinado pola técnica de administración xeral do Servizo de Contratación.

**Segundo.**- Autorizar un gasto por un importe total de 249.018,00euros (dos cales 43.218,00 euros corresponden ao IVE), con cargo á aplicación orzamentaria 3380.226.0906 (Festas de Vigo) do programa de Festas para o vixente exercicio económico.

**Terceiro.**- Abrir o procedemento de licitación na forma legalmente prevista.”

#### **Acordo**

A Xunta de Goberno local aproba a proposta contida no precedente informe.

### **3(694).- EXPEDIENTE DE CONTRATACIÓN DA ACTUACIÓN ARTÍSTICA DE THIRTY SECONDS TO MARS PARA O PROGRAMA “VIGO EN FESTA 2019” NO AUDITORIO DE CASTRELOS. EXPTE. 7938/335.**

Visto o informe xurídico de data 24/07/19, e o informe de fiscalización do 29/07/19, dáse conta do informe-proposta de data 24/07/19, dáse conta do informe-proposta do 24/07/19, asinado pola instructora de expedientes (Resolución 1/07/19), a secretaria de Admón. Municipal, a concelleira delegada de Festas e Turismo e o concelleiro-delegado de Orzamentos e Facenda, que di o seguinte:

#### **Primeiro.- ANTECEDENTES**

**1.-** O Servizo de Festas do Concello de Vigo inclúe na súa programación anual, a organización do programa de “Vigo en Festas 2019”, que conleva a contratación de actuacións artísticas nacionais e internacionais que teñen lugar no Auditorio ao aire libre de Castrelos nos meses de xullo e agosto. Por este motivo e como consecuencia das



## Concello de Vigo

resolucións do decreto da concelleira delegada da Área de Festas e Turismo de data 15 de maio de 2019, relativo á composición dos espectáculos e actividades do programa “Vigo en Festas 2019” (expte. 7930/335), resolveuse a contratación artística “THIRTY SECONDS TO MARS”, a celebrar no Auditorio ao aire libre de Castrelos o día 1 de agosto de 2019.

2.- Con data 18 de febreiro de 2019, a concelleira delegada da Área de Festas e Turismo comunica mediante escrito o interese do Concello de Vigo na contratación da actuación artística de “THIRTY SECONDS TO MARS” por un importe de 275.000,00€ mais rider mais IVE facendo un total de 320.000,00€ mais o IVE ( 387.200,00 euros incluído IVE).

3.- A empresa SWEET NOCTURNA S.L., CIF B-36998524, confirma a posesión da exclusividade artística para a actuación do grupo, no documento de 10 de abril de 2019, D. Roberto Grilla Guallart, en representación da empresa LIVE NATION ESPAÑA S.A.U. achega o documento onde LIVE NATION ESPAÑA S.A.U afirma que ostenta os dereitos exclusivos para a contratación da actuación da artista “THIRTY SECONDS TO MARS” na cidade de Vigo o 1 de agosto de 2019 e que autoriza en exclusiva a SWEET NOCTURNA S.L. para organizar na súa condición de promotor do concerto da citada artista no Auditorio ao aire libre de Castrelos na data xa citada (documento anexo no trámite nº 5 do expediente).

4.- En cumprimento do establecido no artigo 28 da Lei 9/2017, de 8 de novembro, de contratos do sector público, o instrutor do expediente, con data 2 de xullo de 2019, e coa conformidade da concelleira delegada de Festas e Turismo, emite informe da necesidade e idoneidade da contratación da actuación artística “ THIRTY SECONDS TO MARS” a celebrar o día 1 de agosto de 2019, no Auditorio ao Aire libre de Castrelos, con motivo do Programa “Vigo en Festas 2019”.

5- Con data 3 de xullo de 2019, a concelleira de Festas e Turismo resolve que se inicie o expediente necesario para a contratación da actuación artística “ THIRTY SECONDS TO MARS” a celebrar o día 1 de agosto de 2019, no Auditorio ao Aire libre de Castrelos, con motivo do Programa “Vigo en Festas 2019”.

6.- Con data 9 de xullo de 2019, redactase a Memoria xustificativa que contén os elementos básicos do contrato, documento que é conformado pola concelleira delegada da Área de Festas e Turismo.

7.- Con data 10 de xullo de 2019, redáctase o Prego de prescricións técnicas particulares polo instrutor do expediente.

8.- Con data 24 de xullo de 2019, redactase o prego de prescricións administrativas particulares, asinado pola técnica de administración xeral do Servizo de Contratación.

9.- O orzamento base de licitación co IVE incluído ascende a 387.200,00euros, correspondendo 67.200,00 euros ao IVE, e podería imputarse á aplicación 3380.226.0906 (Festas de Vigo) do orzamento vixente e bolsa de vinculación. Enténdese que o prezo se atopa dentro dos parámetros do mercado ao ser o importe establecido pola empresa que posúe o seus dereitos.

### **Segundo.- NORMATIVA DE APLICACIÓN**

Lei 9/2017, de 8 de novembro, de contratos do sector público (LCSP).

Real Decreto 817/2009, de 8 de maio, polo que se desenvolve parcialmente a LCSP.

Regulamento xeral da Lei de contratos das administracións públicas, aprobado mediante Real decreto 1098/2001, de 12 de outubro, en todo o que non se opoña a LCSP.

Lei 39/2015, de 1 de outubro, de procedemento administrativo común das administracións públicas.

Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro, de medidas para a modernización do goberno local e pola Lei 27/2013 de 27 de decembro, de racionalización e sostibilidade da administración local.

Real decreto lexislativo 781/1986, de 18 de abril, polo que se aproba o texto refundido das disposicións legais vixentes en materia de réxime local.

Lei de Galicia 5/1997, de 22 de xullo, de administración local de Galicia.

Lei 25/2013, de 27 de decembro, de Impulso da factura electrónica e creación do rexistro contable de factura no sector público.

Lei 19/2013, de 9 de decembro, de transparencia, acceso á información e bo goberno.

### **Terceiro.- FUNDAMENTOS DE DEREITO**

**Primeiro:** De conformidade cos artigos 25.1. e 25.2.m da Lei 7/1985, de 2 de abril, reguladora das bases do réxime local, e cos artigos 80.1 e 80.2.n da Lei de Galicia 5/1997, de 22 de xullo, de administración local de Galicia, os municipios poderán promover e realizar actividades culturais.

**Segundo:** O expediente de contratación iniciárase polo órgano de contratación de acordo co disposto no artigo 116 da Lei 9/2017, de 8 de novembro, de contratos do sector público; no Concello de Vigo esta competencia atópase delegada nos concelleiros de área segundo o Decreto de delegación de competencias de Alcaldía do 18 e 26 de xuño de 2019 e acordo da Xunta de Goberno local de 20 de xuño de 2019. Consta ademais a memoria xustificativa asinada pola secretaria de administración municipal e pola concelleira delegada, o prego de prescricións técnicas particulares asinado polo instrutor do expediente e pola concelleira delegada, e o prego de prescricións administrativas particulares, asinado pola técnica de administración xeral do Servizo de Contratación.

**Terceiro:** En cumprimento do establecido no artigo 28 da Lei 9/2017, o instrutor do expediente, coa conformidade da concelleira delegada da Área de Festas e Turismo, asinou o informe da necesidade e idoneidade da contratación da prestación consistente na celebración do concerto "THIRTY SECONDS TO MARS" a celebrar o día 1de agosto no Auditorio ao aire libre de Castrelos con motivo do Programa "Vigo en Festas 2019".

**Cuarto:** A forma de tramitación do expediente será a ordinaria, conforme ó disposto no artigo 116 da Lei 9/2017. O contrato ten a consideración de contrato privado, de acordo ao disposto no artigo 25.1.a da devandita lei. O contrato adxudicárase conforme ao procedemento negociado sen publicidade, por canto, de acordo co artigo 168.a.2º da Lei 9/2017, por motivos relacionados coa protección de dereitos de exclusiva o contrato só pode encomendarse a un empresario determinado, que ostenta os dereitos de exclusiva da actuación do artista.

**Quinto:** Ao expediente se incorporará o informe favorable da Asesoría Xurídica e o certificado de existencia de crédito, documento que incorporará o servizo de Intervención Xeral, quen ademais fiscalizará previamente para a súa aprobación o expediente.



## Concello de Vigo

**Sexto:** A competencia para a aprobación do presente expediente correspóndelle á Xunta de Goberno Local, na súa calidade de órgano de contratación, ao amparo da Disposición adicional segunda da Lei 9/2017. Consonte ao estipulado no artigo 117 da citada lei, a resolución deberá ser motivada e aprobará o expediente de contratación e disporá a apertura do procedemento de adxudicación e implicará a aprobación do gasto.

A vista das anteriores circunstancias, e previos os informes da Asesoría Xurídica e da Intervención Xeral, propónse á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

PROPOSTA:

**“Primeiro.-** Aprobar o expediente de contratación do concerto “THIRTY SECONDS TO MARS”, a celebrar o día 1 de agosto de 2019, as 23:00 horas no Auditorio ao aire libre de Castrelos, con motivo do Programa “Vigo en Festas 2019” (expediente 7938/335), que contén o prego de prescricións técnicas particulares de data 10 de xullo de 2019, asinado polo instrutor do expediente, e o prego de prescricións administrativas particulares de data 24 de xullo de 2019, asinado pola técnica de administración xeral do Servizo de Contratación.

**Segundo.-** Autorizar un gasto por un importe total de 387.200,00euros (dos cales 67.200,00 euros corresponden ao IVE), con cargo á aplicación orzamentaria 3380.226.0906 (Festas de Vigo) do programa de Festas para o vixente exercicio económico.

**Terceiro.-** Abrir o procedemento de licitación na forma legalmente prevista.”

### **Acordo**

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás dez horas e corenta e cinco minutos. Como secretaria dou fé.

ME.

A CONCELLEIRA-SECRETARIA DA XUNTA DE GOBERNO LOCAL,  
Yolanda Aguiar Castro.

O ALCALDE  
Abel Caballero Álvarez